

黃鵠山志

卷首之二



黃鵠山志

卷首

黃鵠山志



同治甲戌秋
得補齋開雕

退補齋
藏板

序

李應奇崆峒山志徐日昞爛柯山志皆居里人作也朱
諫雁山志楊循吉金山襍志皆歸田人作也釣游所及
時有品題固其宜已若夫宦於其地訪求名勝輯爲成
書者則有柯願之蟪磯山志也韓作棟之七星巖志也
徐嘉泰之天目山志也然或取材於舊本或冠名於簡
端而不必果出其人之手惟宋人之溪蠻叢笑桂海虞
衡獨以簿領餘閒搜羅古今繪畫造物爲天壤閒不可
少文字此胡月樵觀察黃鵠山志所由昉乎觀察浙人

黃鵠山志

卷首

序

一

退補齋
藏板

也來仕吾楚綜理崇文書局局故在黃鵠山後所居圖
書羅列督校之暇操觚染翰著作自娛拄笏看山則鶴
樓西峙高冠東立浮嵐積翠隱隱飛落几席閒嘗爲余
言自有宇宙便有此山數千百年名區勝蹟所留遺遷
客騷人所題詠未可湮滅不傳也今夏休沐之餘編纂
成志十二卷脫藁授余讀之搜採極富而不失之挂漏
義例極嚴而不失之龐雜遇有傳寫之譌附會之謬必
博稽羣書確有依據而悉衷於至當余黃鵠山人也邊
嶠歸來滄桑嗟變故山猿鶴幾於數典而忘追溯宦游

桂林山水甲天下所歷獨秀龍隱棲霞伏波諸巖洞遺
時多難未遑以一字紀游而觀察需次鄂垣入則有省
試句稽之責出則極車馬冠蓋之煩乃能著成是書其
精審爲生長是邦者所未逮旣服觀察之勤亦以益余
之愧也然猶有望於觀察者古之人輜軒問俗事務周
知周茂叔提刑廣東雖荒崖絕島人跡所不至必緩視
徐按以澤民爲己任使觀察名位日隆見聞所及其將
舉一省之風物土宜與夫吏治民事之有關法戒者筆
之於書而不第爲一邱一壑紀勝而已則豈非山中人
黃鵠山志

卷首

序

二

退補齋
藏板

日夕以竣所願濡毫而書其後者乎同治甲戌秋日江
夏張凱嵩序

序

胡子月樵勇於任事而讀書則尤其所好也士大夫方未通籍時往往輕議天下事及一旦身親其境輒逡巡畏縮而不能有所爲此無他平居不讀有用之書於古今得失事勢變遷與夫人物瑰奇山川形勝曾不措意故其胸中所有非沈溺於富貴卽醉心於佞諛偶有所考求人以爲是則亦是之人以爲非則亦非之使或出於貴人鉅公之言則尤不敢有異說羣從而和之於是貴人鉅公益堅其信且不難布之爲令筆之於書此天黃鵠山志

卷首

序

三

退補齋藏板

下萬世承譌襲謬之所以日滋而月盛也月樵領湖北書局刊訂經史旁及諸子百家凡有舊本散佚人鮮家藏者悉竭力購求錄之於木每一書成校勘精核有諸本不一者必加按語衷於一是蓋讀書任事未有若斯之勤者也暇則於書中隨手劄記大都有關於湖北山川人物者尤所留心輯而成編黃鵠山志其一也予生於是長於是黃鵠山日在目前或叩以山中所有十不能五對讀是編能無汗顏異日湖北省志之修非月樵不足以任之矣同治十三年歲次甲戌夏六月江夏彭

崧毓漁帆序

黃鵠山志

卷首

序

四

退補齋
藏板

序

黃鵠山者鄂之神皋奧區也生洲遙控大別對峙礎石
虹宛樓牕雲翕毛人故堞芳草接闌仙客廢壘鳴榔戰
雨白雲在天舟壑荐移夕烽仍世金石爲燼攷形勝之
崖略徵藝文之淵微條貫縷辨證今援昔固非耳學所
詳抑亦目論罕究矣况乎庭堅公琴邃古罔据翠媯九
疑在世斯昧尔正詮詁但訓列嶽山經泛鶩麥談荒外
若乃練軼雞次彌闕檣杙茫茫荆墟燦忽百代湛湛江
水目極千里月樵都轉澡雪靈府棲靜神宅經筭韞曜
黃鵠山志

卷首

序

五

退補齋
藏板

福地儲珍露初星晚廣搜博採勒爲成書齊軌邑乘後
之攬者得以知世代沿革山川阨塞人物雅俗風會隆
窳石碣波鬻而陵谷可跡頭陀壑湛而林麓在指豈宗
慎荆楚流連歲時習氏襄陽勲拳耆舊始足標雋文苑
摘華騷國哉至於揆張神仙駢羅幽怪荒邈傳訛義例
滋累無裨記載轉紊宗旨譬之瀛嶠金闕縹緲在空偃
師丹黍瞬睫已幻徒爲觀省之娛殊有雅鄭之判爾同
治十三年歲在闕逢奄茂南海張蔭桓序

自序

鄂城襟江帶湖爲東南一大都會城以內足供游覽者其山則有鳳凰有崇府有臙脂非弗幽秀矣而率乏偉觀獨黃鵠蜿蜒磅礴拔地倚天聳翠如屏浮青滿郭實一城諸山之主自黃鵠俛瞰眾峯猶兒孫耳余以同治丙寅游鄂暇輒命屐登眺初意鶴樓所踞其首枕大江者此黃鵠也旣而詢諸邦之士大夫與其故老遺民間復參以志乘之所紀圖記之所載始知一黃鵠也而或別之爲高冠或易之爲長春或目之爲石城至里俗所黃鵠山志

卷首

序

六

退補齋藏板

稱則又因其形勢而統號以蛇山總之皆黃鵠山也顧城以內之黃鵠識者猶能辨之而黃鵠初阜則遠阻城外有若高人逸士跼伏鄉塾不求人知而人之知者亦豈蓋其名湮沒久矣嘗攷江夏圖經有曰黃鵠山在縣東九里其山斷絕無連接又以知今之洪山實則黃鵠之初阜宋末始被今名非其朔也嗟乎自有宇宙便有茲山今昔殊稱真面遂晦後有游者疇作導師余竊病焉用是竭一月之力蒐討羣籍凡涉茲山堪資考證者悉加采錄編成十二卷並倩妙手繪圖簡端春秋佳日

置諸座隅一邱一壑軒豁呈露少文卧遊意在斯乎謂
余好事所不辭矣是書也主於志黃鵠故古蹟之隸茲
山者均以類而增見焉若鳳凰若崇府若臙脂雖處會
城概弗之及云同治甲戌夏四月胡鳳丹識於鄂垣之
退補齋

黃鵠山志

卷首

序

七

退補齋
藏板

黃鵠山志總目

卷首

序

總目

凡例

圖

引用書目

卷一

名勝一 山 磯 城

黃鵠山志

卷首

總目

一
退補齋
藏板

名勝二

樓 臺 閣

卷二

名勝三

亭 榭 宮 堂 居 洲 渚 洞

名勝四

廟 祠 墅 寺 塔 墓

卷三

流寓

仙釋

祥異

卷四

金石

卷五

藝文 十四篇

卷六

藝文 二十四篇

卷七

藝文 古今體詩七十二首

卷八

藝文 古今體詩七十九首

黃鵠山志

卷首

總目

二

退補齋藏板

卷九

藝文 古今體詩一百十首

卷十

藝文 古今體詩一百三首

卷十一

藝文 古今體詩五十首

卷十二

藝文 古今體詩七十六首

詞二闕

凡例

一志名勝二卷自山而磯而城以及樓閣亭臺等處凡不隸於黃鵠山者概弗闡入

一志流寓仙釋祥異一卷

一志金石一卷凡碑刻第錄其目或撮要言之其全文則詳見藝文部省複也

一志藝文八卷文則先賦而以跋終焉詩後並登詞二闕以備一格其編列依名勝次第而作者姓氏仍按朝代以分先後

黃鵠山志

卷首

凡例

一

退補齋藏板

一名勝古蹟有邑志郡志通志可攷者每則下必注某書惟官胡二公祠曾文正公祠羅李三公祠係同治初元後新建江夏志所未載茲並列入以備後之修志者採焉

一古今名人題咏篇什甚夥茲僅就家藏各集量加選錄至於朋輩嘉章見聞所及亦登一二掛漏之譏知所不免覽者亮之

一援引各書旁參互校頗有異同其語涉兩岐者則畧附案語藝文中於某字下一作某字以資考證

一 是志編纂市月成帙抄錄者沔陽程濟時長沙陳炎
昂與甥樓錫蕃子宗廉宗彥校對者淑浦舒立濬江
夏錢桂林二廣文也急就之章不無魚豕尙冀
博雅君子匡厥不逮

黃鵠山志

卷首

凡例

二

退補齋
藏板

黃鵠山圖

黃鵠山志

卷首

圖



退補齋藏板

黃鵠山志

皖江鄭珊謹繪

卷首

圖

一

退補齋藏板




黃鵠山志

卷首

圖

三

退補齋藏板



祠公三李羅

館會南湖

祠公正文曾


黃鵠山志

卷首

圖

四

退補齋
藏板



城隍廟

府學宮

藩署照

南樓

黃龍寺

黃鵠山志

卷首

圖

五

退補齋藏板




官湖公祠

武當宮

臬署

退補齋



江城內外鄂渚東偏靈山十里虹斷雲連
 黃鵠一舉起飛樓前遠控岳陽俯瞰晴川
 紅塵不到羽客翮 曰王曰費荀仙呂仙
 按荅三弄響遏雲邊騷人韻士翰墨結緣
 頭陀片石司勳短篇酒酣歌罷波定月圓
 陵轍前古點綴江天滄桑屢易岸谷變遷
 此山此樓終古歸然

黃鵠山志引用書目

晉

吳志 陳壽

神仙傳 葛洪

劉宋

鮑參軍集 鮑照

梁

南齊書 蕭子顯

述異記 任昉

昭明文選 蕭統

後魏

黃鵠山志 **卷首**

引用書目

一 退補齋藏板

水經注 酈道元

唐

梁書 姚思廉

南史 李延壽

括地志 魏王泰

荊州圖記 闕名

集異記 薛用弱

元和郡國志 李吉甫

錄異記 杜光庭

玉泉子 闕名

姓氏英賢錄 賈耽

王右丞集 王維

太白集 李白

華陽集 顧況

白氏長慶集 白居易

長江集 賈島

樊川集

杜牧

舟中集

錢珣

黎岳集

李頻

李遐叔集

李華

宋

文苑英華

李昉等

太平御覽

同上

太平廣記

同上

方輿勝覽

祝穆

太平寰宇記

樂史

括異志

張師正

輿地紀勝

王象之

一統肇基錄

王鞏

皇朝類苑

江少虞

皇宋書錄

董史

困學紀聞

王應麟

寶晉英光集

米芾

黃鶴山志

卷首

引用書目

二

退補齋藏板

宣和書譜

闕名

寶刻類編

闕名

聞見近錄

邵博

默記

王銍

入蜀記

陸游

讀書志

晁公武

吳船錄

范成大

石湖集

同上

晦菴集

朱子

朱子大全私鈔

同上

塵史

王得臣

江夏辨疑

同上

金石錄

趙明誠

青箱雜記

吳處厚

詩人玉屑

魏慶之

容齋四筆

洪邁

南遷錄

張師顏

輿地廣記

歐陽忞

乖崖集 張詠

鈍齋文選 楊濟

東坡集 蘇軾

欒城集 蘇轍

梅溪集 王十朋

立雪稿 劉清叟

雪坡小稿 羅與之

端平詩雋 周弼

清雋集 鄭震

東堂集 袁說友

南軒集 張栻

悅齋集 李璫

渭南集 陸游

劍南集 同上

白雲集 張俞

山谷集 黃庭堅

石屏集 戴復古

雪山集 王質

黃鶴山志 卷首

引用書目

三

退補齋藏板

元

交州集 陳孚

海粟集 馮子振

青陽集 余闕

海巢集 丁鶴年

桂隱集 劉誥

黃文獻集 黃潛

郝文忠公集 郝經

庶齋老學叢談 盛如梓

夢觀集 釋大圭

明

南宋書 錢士升

元史 宋濂等

明一統志 李賢等

楚書 陶晉英

圖書編 章漢

潛確類書 陳仁錫

古今游名山記 何鏞

湧幢小品 朱國楨

楚小志 闕名

南中紀聞 闕名

眉菴集 楊基

東臯集 陸淵之

蚓竅集 管訥

桂洲集 夏言

楚寶 周聖楷

陽湖集 王守仁

太函集 汪道昆

升菴集 楊慎

懷麓堂集 李東陽

東里全集 楊士奇

黃離草 郭正域

遜志齋集 方孝孺

黃鶴山志 卷首

四 退補齋藏板

念菴集 羅洪先

少泉集 王格

太嶽集 張居正

弇州山人稿 王世貞

玉堂遺藁 蕭良有

春明稿 徐學謨

西原集 鄧原岳

鬱儀樓集 鄒迪光

袁中郎集 袁宏道

瀨園集 嚴首昇

蔡忠烈公遺集 蔡道憲

珂雪齋集 袁中道

雲龍閣集 任家相

石臼集 邢昉

榮木堂詩集 陶汝鼎

田閒集 錢澄之

國朝

全唐文 董誥等

全唐詩 曹寅等

讀史亭詩集 彭而述

肥田堂集 劉子壯

萬山樓集 許虬

冠松崖集 陶之典

山雨樓集 程封

林蕙堂集 吳綺

熙朝雅頌集 鐵保等

現果隨錄 釋戒顯

與梅堂集 佟世恩

南堂詩鈔 施世恩

讀書堂文集 趙士麟

珠湖草堂詩鈔 阮玉堂

遂初堂集 潘耒

曝書亭集 朱彝尊

白茅堂集 顧景星

南游記 孫嘉淦

黃鶴山志 卷首

五 退補齋藏板

明文海 黃宗義

帶江堂集 簡能

國朝別裁集 沈德潛

歸愚集 同上

漁洋詩話 王士禎

拙園詩草 崔應階

南華詩鈔 張鵬翀

惜抱軒集 姚鼐

臨沅集 王為壤

檐園集 徐乾學

韋園詩集 舒峻極

蓉裳詩鈔 張家榘

韻餘集 陳一揆

隣嶽堂集 陳文炳

玉照亭詩鈔 陳大章

倚晴閣集 魏坤

恒山集 桑調元

衡山集 同上

守待錄

涂天相

愚山詩集

施閏章

羈音集

汪文孫

午亭文編

陳廷敬

小倉山房詩鈔

袁枚

隨園詩話

同上

甌北詩鈔

趙翼

竹素齋遺詩

姚學棻

笙雅堂集

張九鐔

師竹齋集

李鼎元

臺山詩集

何人鶴

立厓詩鈔

蔣業晉

兼山堂詩鈔

沈梅

雪林集

馮廷樞

露香書屋遺集

張映辰

信手拈詩文集

舒才博

居業齋集

金德嘉

花餘亭詩鈔

葉廷芳

黃鵠山志

卷首

引用書目

六

退補齋藏板

淮海英靈集

阮元

續岡州遺稿

言良鈺

陶園詩集

張九鉞

存悔齋集

劉鳳誥

茸香詩草

釋覺慧

夏柯堂詩集

舒正增

竹根齋詩文集

舒正載

述學

汪中

白華前稿

吳省欽

杭郡詩續輯

吳振棻

二雲書屋詩集

張履信

雨福山房贖草

郭祖翼

古香園詩草

吳炯

鮒結軒集

洪亮吉

蘭言集

謝堃

蘭言二集

同上

不易居齋集

宋湘

夢樓詩集

王文治

毅山詩草 王延偉

沅湘耆舊集 鄧顯鶴

讀白華草堂詩鈔 黃釗

陶文毅公全集 陶澍

惕夫詩鈔 謝莢

銘心書屋詩鈔 蔡顯原

僅可齋詩鈔 張克謀

卧園詩話 潘煥龍

吳文節公遺集 吳文鎔

敦教堂詩鈔 官文

劉孟塗集 劉開

笏庵詩集 吳清鵬

春星閣詩鈔 楊季鸞

食古研齋詩鈔 陳瑞琳

怡志堂詩鈔 朱琦

躬恥齋詩鈔 宗稷辰

國朝正雅集 符葆森

漆室吟 王柏心

黃鵠山志 卷首

引用書目 七 退補齋藏板

雲中集 劉涇

篤舊集 劉存仁

懷古田舍詩鈔 徐榮

五之草堂詩稿 樊雨

松心集 張維屏

二知軒詩鈔 方濬頤

松寥山人初集 張際亮

倚晴樓詩集 黃燮清

藤薇室詩文稿 徐瀛

石汭詩畧 楊澤閩

望雲閣詩集 徐儒楠

敦夙好齋詩集 葉名澧

求是齋詩存 彭崧毓

賜龍堂詩集 彭瑞毓

石莊詩集 張開霽

尊聞堂詩鈔 胡兆春

四照堂詩鈔 譚溥

思貽堂詩集 黃文琛

棲雲山房詩鈔

李樹瀛

同聲詩鈔

同上

蕉餘軒詩鈔

車元春

小南海詩鈔

徐同善

彤雲閣遺詩

王家仕

曇華遺集

張杲

維周詩鈔

程之楨

鄂渚同聲集

胡鳳丹

退補齋詩存

同上

黃鵠山志

卷首

引用書目

八

退補齋藏板

黃鵠山志卷首

終

黃鵠山志卷一 目錄

名勝一

黃鵠山

案十五則

高觀山

二則

洪山

案九則

黃鵠磯

八則

夏口城

案四則

衙署舊治

三則

名勝二

黃鶴樓

案二十三則

南樓

案五則

楚觀樓

二則

焦度樓

一則

八極樓

一則

辛氏樓

一則

黃鵠山志

卷首

目錄

一

退補齋
藏板

靜春臺

一則

龍牀臺

一則

奇章臺

一則

湧月臺

案三則

奇章閣

一則

白雲閣

一則

斗姥閣

案一則

留雲閣

一則

黃鵠山志卷一

永康胡鳳丹月樵編纂

名勝一

酈道元云船官浦東即黃鵠山林澗甚美譙郡戴仲若野服居之山下謂之黃鵠岸岸下有灣目之為黃鶴灣東北對夏口城魏黃初三年孫權所築也依山傍江開勢明遠憑墉藉阻高觀枕流上則游目流川下則激浪崎嶇實舟人之所艱也對岸則入沔津故城以夏口為名亦沙羨縣治也

水經注

黃鵠山志

卷一

名勝

一

退補齋藏板

黃鵠山東北對夏口城其城孫權所築終吳之世以為要害

括地志

黃鵠山在江夏縣東九里至縣西林澗甚美

輿地紀勝

黃鵠山一名黃鶴山在城西南峭峙江口與大別對

方

輿紀要

江夏圖經曰縣東九里其山斷絕無連接舊傳云昔有

仙人控黃鶴於山因以為名故梁湘東王晉安寺碑

云黃鶴從天而夜響是也

太平御覽

按黃鵠山在縣東九里蓋指東城外黃鵠山之初

阜而言故圖經曰其山斷絕無連接而輿地紀勝亦云林澗甚美可以見此山之形勢矣

曩歲世祖皇帝六龍南巡渡江次鄂駐蹕于黃鵠山元林

元大別山
禹廟碑

黃鵠山在府城西南一名黃鶴山舊因山為城即今萬

人敵及子城也明一統志

黃鵠大別對峙受二瀆之衝江自東南來沙羨當之漢

自西來鵠山以下當之明郭正域江岸記

黃鵠山在府城內西隅一名黃鶴山大清一統志

黃鵠山志

卷一

名勝

一一

退補齋
藏板

黃鵠山城內西南俗呼蛇山一名黃鶴昔仙人子安乘

黃鶴憇此志云黃鵠山蛇行而西吸於江其首隆然

黃鶴樓枕焉下有黃鵠磯石照亭在樓之西臨崖有

石如鏡西日照之炯然發光湖廣通志

黃鶴山曰高冠山西至於江其首隆然黃鶴樓枕焉武昌志

府志

湖廣武昌府山曰黃鵠在城西南圖書編

黃鶴山起城東而達於西南隅山形蜿蜒俗名蛇山按

山自咸甯南來入邑北行復折而西邈迤至城東綿

互如長蛇奮躍瞰江其首隆然黃鶴樓枕焉楚會勝
概悉鍾於此卽黃鵠磯地當頭陀寺後懸巖曲均處
盛暑冷風沁骨故絕蚊蚋俗乃謂之仙塵拂去也山
舊名紫竹嶺以有黃鶴騰紫竹閒得名故頭陀寺亦
稱竹林寺也

江夏縣志

黃鶴山東西互數里起伏蜿蜒俗稱蛇山其中峯峯聳

曰高觀而磯西出於江

白茅堂集

黃鵠山在府城西南俗呼蛇山一名黃鶴

潛確類書

高冠山一名高觀山一名蛇山卽黃鵠山支阜東有鳳

黃鵠山志

卷一

名勝

三

退補齋藏板

鳳窩西有烏龍池清風明月二井

大清一統志

高觀山爲蛇山中峯高可矚遠故名爲高冠以狀肖也

楚藩易名長春山山之陽卽其故宮曰東山石城方

伯徐惺構別墅僑居曰東山小隱詳顧景星記今廢

江夏縣志

洪山在江夏縣東十里舊名東山上有宋岳飛手植松

大清一統志

洪山在江夏舊名東山

潛確類書

大洪山本鵠山宋末更名在江夏縣十五里

湖北舊聞錄

江夏春秋時謂之夏汭後世謂之夏口亦謂之魯口

代常為重鎮有黃鵠山鸚鵡洲輿地廣記

鄂州城之東十里許其最高聳而秀者是為黃鶴山

江夏辨疑

鄂之城東有佛剎曰大洪山崇甯萬壽禪寺此黃鵠山

也黃文獻集。詳見藝文

洪山縣東十里一曰東山山下有寶通寺邑之巨觀山

名曰堆雲曰翠屏曰獅子峯古有洪山賦鑄山石榛

莽閒明楊士奇有記湖廣通志

黃鵠山志

卷一

名勝

四

退補齋藏板

洪山在縣東十里舊名東山古有東山賦鑄山石上今

剝落不可讀宋趙淳卽山勝處架為閣榜曰東巖狀

其石曰雲根雲扁凡十數峯山巔為黃鵠亭又有怪

石窪樽狀詳東山記宋末隨數被兵荆湖制置使孟

珙遷大洪山眾奉釋慈忍斷足及洪山寺額並徙於

此遂沿呼洪山按東山記勒塔後石壁已半漫漶康

熙癸酉吳元俊揣摩得之詩紀其事明楊士奇亦有

記江夏縣志

按黃鵠山在江夏縣東九里洪山縣東十里蓋指

縣治言之也江夏縣舊治在石子岡隋開皇中自塗口徙於焦度樓下唐貞觀中徙府城南宋紹興中仍還樓下元因之明洪武九年封建楚藩遷漢陽門內卽清軍察院舊署改建於鳳凰山下 國朝因之咸豐中以兵燹改建文昌門內鐵佛寺廟基自今日縣治視之則黃鵠山洪山又在縣東北矣

大洪山在隨州宋末隨州被兵土著流穴荆湖制置使

孟珙遷其眾於武昌而洪山寺額并徙於此

白茅堂集○穴

黃鵠山志

卷一

名勝

五

退補齋藏板

人勇反穴散也

在城東十里許者至宋末改名大洪山實則黃鵠山之初阜也詳見黃文獻公大洪山崇甯萬壽寺碑其伏而又起李太白望黃鶴山所謂中峯倚紅日是也今之長春觀倚之至再伏再起則東自寶陽門而至漢陽門以達於江所謂黃鵠磯是也其曰石城山曰高觀山曰蛇山皆時俗易名耳 湖北舊聞錄

黃鵠磯在鸚鵡洲之下尾

水經注

江夏郡所治其西南角因磯爲高埔枕流上則迴眺山

川下則激浪崎嶇是曰黃鵠磯

荊州圖記

荊州圖經曰夏口城西南因磯為塘枕江流而峙激浪噴震舟人恒危昔侯景沈鮑泉於此前有弱水一規每風濤恬息時試以木屑羽毛無不沈者

湖廣通志

夏口城據黃鵠磯世傳仙人子安乘黃鶴過此上也邊江峻險樓櫓高危瞰臨沔漢應接司部宋孝武置州於此以分荆楚之勢

南齊書

元世祖南巡駐蹕黃鵠山問磯何名呂公父老對曰唐

有呂道人吹笛其山故名又問唐前何名對曰聞諸

黃鵠山志

卷一

名勝

六

退補齋藏板

古語是禹功磯後人訛稱上躋其言

元林元大別山

禹廟碑

黃鵠山在府城內西隅一名黃鶴山西北二里有黃鵠

磯

大清一統志

黃鵠磯即黃鶴山麓一名汝南磯古稱禹功磯後訛為

呂公磯

江夏縣志

梅花磯水激如梅花故名在觀音閣下又曰觀音磯

江夏縣志

夏口城在縣西黃鵠山上吳主孫權所築

吳志

按水經注黃鵠山東北對夏口城亦沙羨縣治蓋齊梁之魯山城今之漢陽軍其地所謂夏口也祝穆曰夏口一名魯口似指漢水之口然何尚之云夏口在荆江之中正對沔口而章懷太子亦謂夏口戍在鄂州故唐史皆指鄂州爲夏口蓋本在江北自孫權取對岸夏口之名以名之而江北之名始晦

郢城在黃鵠山劉宋郢州治此

明一統志

萬人敵城在黃鵠山頂舊有城宋建炎閒草寇犯城郡

黃鵠山志

卷一

名勝

七

退補齋
葛林

守命其上以強弩射之寇退得名

同上

武昌府城舊在黃鵠山孫吳赤烏中築謂之夏口城墉

山塹江周二三里對岸爲沔津故以夏口名宋齊梁

陳皆因之劉宋郢州治此更名郢城唐牛僧孺始陶

巖蟄之宋皇祐中知州李堯俞修又有古萬人敵城

在黃鵠山頂據勝設險元因之明洪武四年江夏侯

周德興增拓修築周十七里有奇計三千九十八丈

湖廣通志

鄂州舊治在黃鵠山陰卽今府後

江夏舊志

府學舊在黃鵠山前宋康定開建後廢爲營壘紹興開
仍更爲學同上

江夏縣學在鳳凰山之陽按大觀學制宋初以縣附郭
就州學別置一齋曰務本紹興以後悉附於州學元
因之明洪武初教諭沈浩然拓創於黃鵠山北九年
改楚府廣阜倉同上

黃鵠山志

卷一

名勝

八

退補齋
藏板

名勝二樓臺閣

黃鶴樓在黃鵠磯上仙人子安乘黃鶴過此南齊書

吳黃武二年城江夏以安屯戍其城西臨大江西角因

磯為樓名黃鶴樓元和郡縣志

黃鶴樓在縣西二百八十步昔費禕登仙每乘黃鶴於

此憇駕故號為黃鶴樓太平寰宇記

黃鶴樓在子城西南隅黃鵠山上自南朝已著因山得

名鵠鶴古通用字輿地紀勝

黃鶴樓號為天下絕景今樓已廢故址亦不復存問老

黃鵠山志卷一名勝九退補齋藏板

吏云在石鏡亭南樓之間正對鸚鵡洲猶可想見其

地也入蜀記

入蜀記言石鏡在山麓而黃鶴樓在石鏡南樓之間則

今之樓址視唐宋又移而西矣湖北通志

黃鶴樓以山得名唐圖經謂費文偉仙去駕鶴來憩於

此閭伯瑾記中乃實其事或者又引梁任昉記謂駕

鶴之賓乃荀叔偉非文偉也皆因黃鶴之名妄為記

之南軒集

黃鶴樓多以為費禕昇仙之地故永泰初閭伯瑾為之

記予按蜀志費禕爲魏降人郭循所害則禕固不得其終安有駕鶴而憩此者也梁任昉述異記雖有是說亦未嘗言禕也不知伯瑾何以爲據今自樓以西可六七步有磯焉卽庾子山賦所謂落帆黃鶴之浦也故魏彥淵注引荊州記曰江夏郡西大江有黃鶴磯後人建樓旣俯磯上故不更別名耳

江夏辨疑

漢江北爲蛇山黃鶴樓在其巔考碑記黃鶴樓辛氏故址辛氏係酒家一道士時來店中沽酒隨到隨應經年不索其值終始無倦色一日道士畫黃鶴於壁輒

黃鶴山志

卷一

名勝

十

退補齋藏板

解飛鳴道士跨之而去辛氏捨宅築樓以供蓋純陽呂師今規制崇宏係是後來宰官改闢蓋非其舊矣

南中記聞

黃鶴樓枕武昌西門一名黃鵠傳是費禕登仙事或稱

王子安今俗稱呂公

楚小志

劉原父就省試時父立之爲湖北轉運使按部至鄂州與郡守王山民宴於黃鶴樓數日不發謂守曰吾且止此以候殿榜兒子決須魁天下守心不平且曰豈可預料立之曰縱使程試不得意亦須作第二人來

日殿榜到州原父果第二名 默記

明甲辰春三月陳理銜璧出降上入武昌城取陳氏所藏金花子銀花子賞士卒於黃鶴樓下至今人呼其處為花子街 一統肇基錄

黃鶴樓唐宋圖經以為費文偉仙蹟初未嘗以為呂巖也至詩人咏歌則唐宋諸家亦但想像仙靈寄諸髣髴未有實指其人者自明以來乃易費而呂至於肖像奉之而著作家并以入詩過而存之亦足以覘風尚焉 湖北通志

黃鶴山志 卷一 名勝 七 退補齋藏板

黃鶴樓凡三層外圓內方中祀呂仙像角巾卉服橫笛製甚古 鈍齋文選

崇禎十六年張獻忠踞武昌嘗題詩黃鶴樓令其下屬和 綬冠紀畧

又云左營諸將進攻各門張其在焚黃鶴樓及宗人府第俱盡率諸將開保安門西走 同上

黃鶴樓在武昌府城西南隅黃鶴磯上世傳費文偉乘

黃鶴過此 淵鑑類函

明唐樞游赤壁郭桐岡問黃鶴岳陽二樓孰勝樞曰岳

陽勝景黃鶴勝製洞庭湖至岳州府乃收口樓在西
門城上距府不百武正挹湖勝其製三層四面突軒
狀如十字面各二溜水省城黃鶴山樓制方而補四
隅爲圖二頂三層高約五六丈每隅合九角每方四
溜爲柱中外三起外二起四面各二十柱中一起四
樓後接楹屋數間後石鏡亭湧月臺仙棗亭觀音閣
當其前閣畔黃鶴磯呂公洞

古今游名山記

楚有四樓仲宣樓在當陽城上倚曲沮夾清漳今荊州

城上樓乃五代高季興建望沙樓故址也宋陳堯咨

黃鶴山志

卷一

名勝

三

退補齋
藏板

更今名晴川樓南對黃鶴從武昌望之佳黃鶴以製
勝如蓮瓣垂垂洲渚掩映岳陽以境勝八百里洞庭
一髮君山眼界奇絕總之岳陽爲上黃鶴次之晴川
仲宣又次之

楚書

墉山爲城塹江爲池武昌城內包三山漢陽城內有兩

湖黃鶴樓與晴川閣距兩城之上相望也

南游記

時值深秋白雲紅葉翠柏黃花點綴巖岫天然圖畫岳
陽黃鶴極江湖之浩渺靈隱少林盡山岳之奇麗睡

常入夢醒猶王目非筆舌所能傳也

同上

聖楷按黃鵠山一名黃鶴山自南朝已著樓故因山得名矣記語嘉叔偉之芳塵引用梁任昉記所謂駕鶴之賓乃荀叔偉非文偉也

楚寶

黃鶴樓順治十三年重建

楚會存書

按胡夢發黃鶴樓賦序康熙甲辰災重建甲辰係康熙三年楚會存書云順治十三年相去八年未知孰是

黃鶴樓在黃鵠山南因磯爲樓又謂黃鶴樓以山得名

而李邕岳麓碑題江夏黃仙鶴崔顥詩自注黃鶴人

黃鵠山志

卷一

名勝

三

退補齋藏板

名今全唐詩崔注無之明嘉靖末燬於火隆慶五年都御史劉慤重建汪道昆爲之記崇禎癸未爲流賊張獻忠所燬國朝順治中御史上官鉉重建康熙三年燬於火總督張長庚巡撫劉兆麟重建布政使劉顯貴監造甲申總督喻成龍巡撫劉殿衡修壬寅總督滿丕巡撫張連登布政使張金弼督修乾隆四十四年

御書江漢仙蹤題額嘉慶十五年總督馬慧裕倡捐重修立有碑文咸豐六年火前總督官文倡修今署

總督郭柏蔭護巡撫何璟成之邑人彭崧毓有記

夏縣志

按咸豐閒武昌省城三次淪陷六年黃鶴樓燬於賊前總督官文恭公倡捐未修同治七年署總督郭公護巡撫何公委武昌府黃守昌輔督工興修經始於戊辰九月告成於己巳三月計費白金三萬數千兩有奇糧道丁守存作碑記首序總督李公巡撫郭公者適斯樓已成而碑石後勒也

南樓在郡治正南黃鵠山頂中閒嘗改為白雲閣元祐

黃鵠山志

卷一

名勝

十四

退補齋藏板

閒知州方澤重建復舊名記文以為庾亮所登故基非也亮所登乃武昌縣安樂之端門也李巽巖壽作鄂州南樓記云吳孫氏更名漢鄂曰武昌今州東百八十里武昌縣是也今鄂州乃漢沙羨當晉咸康時沙羨未始有鄂及武昌之名庾亮安得從至此

紀勝

輿地

樓在郡儀門之南石城上一曰黃鶴山制度閎偉登望

尤勝鄂州樓觀為多而此獨得江山之要會山谷所謂江東湖北行畫圖鄂州南樓天下無是也下瞰南

湖荷葉彌望中爲橋曰廣平其上皆列肆兩旁有水閣極佳

入蜀記

南樓在州治前黃鶴山上輪奐高寒甲於湖北下臨南市邑屋鱗差南市在城外沿江數萬家廛閭甚盛列肆如櫛酒壚樓欄尤壯麗外郡未見其比蓋川廣荆襄淮浙貿遷之會貨物之至者無不售且不問多少一旦可盡

吳船錄

按南樓今不知所在陳本立黃鶴樓名勝記以爲

斗姥閣卽南樓也吳船錄言在黃鶴山上入蜀記

黃鶴山志

卷一

名勝

五

退補齋藏板

言下瞰南湖云云如今之南樓卽古之譙樓明之

楚觀樓也

白雲樓在縣城西黃鶴山頂一名南樓

湖北通志

南樓在黃鶴山頂宋元祐中知州方澤重建自爲記建

中靖國初再修乾道初重建嘉定中又修元中統又

修貞元中又修明崇禎九年巡撫宋賢卽其址建白

雲閣後巡撫宋一鶴移補閱兵樓閣再廢國朝康

熙甲申總督喻成龍巡撫劉殿衡重建更名白雲樓

江夏縣志

按陸放翁記黃山谷詩似皆指黃鶴樓非今之南樓今南樓俗稱鼓樓卽古譙樓改名曰楚觀樓至乾隆閒以南樓名乃畢尚書沅所改題也

楚觀樓在布政司署前卽今南樓也爲唐牛僧孺奇章

堂故址詳陸放翁記

江夏縣志

楚觀樓舊爲譙樓明宏治己未重建布政使韓鎬改名

曰楚觀李東陽撰記

國朝乾隆壬子總督畢沅改

題南樓

同上

焦度樓在州治東南子城上南史度宇文績沈攸之起

黃鶴山志

卷一

名勝

六

退補齋藏板

兵至夏口度於城樓上罵辱攸之攸之怒攻城度力戰投以穢器賊不能冒後呼此樓爲焦度樓又城隍神亦以爲焦度之父諱明意者郡人爲其父子立廟耳

輿地紀勝

八極樓在江夏黃鶴山今廢

白茅堂集

辛氏樓詳見祥異

靜春臺在黃鶴山北摩崖方丈上刻靜春臺三字旁刻

涓熙壬寅劉清之題

江夏舊志

龍牀臺一名鳳凰窩在高冠山第一峯下

同上

奇章臺蓋牛僧孺嘗登讌於此

輿地紀勝

湧月臺在黃鶴樓旁有石刻湧月二字相傳漢曹孟德

遺筆

湖廣通志

湧月臺在黃鶴樓側宋黃清老書湧月二字後人摹刻

於此而續以臺字

大清一統志

湧月臺三大字舊傳曹孟德書誤也

白茅堂集

按黃鶴磯東女牆旁有石碑高僅三尺寬二尺許上鐫雲路二字相傳為曹孟德書疑亦如湧月臺

之誤傳也

黃鶴山志

卷一

名勝

七

退補齋藏板

奇章閣知州汪叔彥夢前身為奇章公因名

江夏縣志

白雲閣在郡治正南黃鶴山頂

輿地紀勝

斗姥閣

按舊志均未載閣何時建亦不存其名江夏新志

載胡公祠在黃鶴樓後即斗姥閣舊址云

留雲閣在黃鶴山南從石鏡亭數折而下最為幽勝

江

夏舊志

黃鶴山志卷一

終

淑浦舒立濬校字

黃鶴山志卷二目錄

名勝三

奇章亭 三則

呂仙亭 二則

石鏡亭 一則

一覽亭 三則

跨鶴亭 一則

廣永亭 一則
案一則

御碑亭 一則

黃鶴山志 卷二

翼然亭 一則

夏亭 一則

楚王故宮 一則

湧月堂 一則

皮日休讀書堂 二則

李白讀書堂 一則
案一則

太白堂 一則

黃鶴洲 一則

鄂渚 二則

仙棗亭 三則

石照亭 二則

振衣亭 一則
案一則

西爽亭 一則

壓雲亭 五則
案一則

萬壽亭 二則

十盤亭 一則

目錄 一

冠霞亭 一則

北榭 四則

武當宮 一則

奇章堂 一則

東山古院 一則

具美堂 一則

狀元居 一則

摩崖方丈 一則

費禕洞 二則

退補齋
藏林

呂公洞 三則

仙人洞 一則

石照洞 一則

東陽洞 一則

天鷲池 一則

白龍池 一則

磨劍池 二則
案一則

江城別墅 一則

名勝四

武安王廟 一則

府城隍廟 一則

楊公祠 一則

江漢神祠 一則

胡公祠 一則
案一則

官胡二公祠 一則
案一則

曾公祠 一則
案一則

羅李三公祠 一則
案三則

黃鶴山志 卷二

目錄

二

退補齋藏板

頭陀寺 五則

寶通寺 六則

黃龍寺 一則

觀音寺 一則

東巖寺 一則

小塔寺 一則

古無影塔 二則

寶像塔 一則

寶通塔 一則
案一則

靈濟塔 一則

威順王太子墓 一則

陳友諒墓 一則

黃鵠山志卷二

永康胡鳳丹月樵編纂

名勝三

奇章亭在州治東南一里子城上

輿地紀勝

黃鵠山有奇章亭奇章公牛僧孺也又名奇章閣一名

奇章堂舊名楚觀樓是古址宋知州陳邦光建初名

戲綵堂後知州汪叔詹夢前身為奇章公改今名

明

一統志

奇章亭在黃鵠山累瓦為臺賀鑄度湖集云唐牛僧孺

黃鵠山志

卷一

名勝

一

退補齋藏板

登宴處

江夏縣志

仙棗亭故址在南樓西明景泰四年重建

輿地紀勝詳見祥異

仙棗亭後有古祠祀呂仙像

鈍齋文選

仙棗亭在黃鵠山頂亭前有棗樹四株世傳未嘗結實

云

江夏舊志詳見祥異

呂仙亭在黃鵠山即仙棗亭遺址舊傳太守與倅弈有

仙人忽至云太守弈敗果然仙於樓前吹笛隨笛聲

至樓上跡之惟見石鏡題詩末書呂字故今名呂仙

亭

湖廣通志

呂仙亭在黃鶴樓東江山形勢非神仙不足居此風清

月白之夜時間鐵笛之聲

眉庵集

石照亭在黃鶴樓臨崖有石如鏡石色蒼澁無異凡石

每為西日所照則炯然發光

輿地紀勝

石照亭在縣西黃鶴樓下有石光澈名曰石照

聞見近

錄

石鏡亭一名石照亭在黃鶴樓西崇禎癸未石忽失亭

亦尋廢

國朝康熙甲申總督喻成龍巡撫劉殿衡

重建

江夏縣志

黃鵠山志

卷二

名勝

一一

甚補齋藏板

振衣亭在按察司堂後黃鵠山上明萬曆二年按察使

王世貞建

同上

按同治九年漢黃德道署按察使鄭蘭復於廢址

誅鋤荆棘建亭三間窗櫺四啟江山如畫賓僚宴

集蓋極一時之盛云

一覽亭在縣西黃鶴山上王十朋有詩

湖北通志

一覽亭在太白堂左

江夏縣志

一覽亭在仙棗亭後

江夏舊志

西爽亭在湧月樓北下臨巖壁有唐時及慶厯間摩崖

題字 輿地紀勝

跨鵠亭在東漕衙黃鵠山之背 同上

壓雲亭在黃鵠山椒隸統制司又有雅歌堂 同上

憲宗己未八月己酉帝抵鄂屯兵教場壬子登城東北

壓雲亭立望樓高可五丈望見城中出兵趨兵迎擊

元史

元成宗嗣位以黃鵠山乃黃屋臨御之地詔就壓雲亭

故址創建大元興寺中書右丞相哈刺哈斯答刺罕

時以平章政事開省湖廣承制鼎建不擾而辦 林元

黃鵠山志 卷二

名勝

三

退補齋藏板

大別山禹廟碑

壓雲亭在江夏縣西黃鵠山上舊為頭陀頂院元世祖

至鄂嘗駐此觀覽形勝至正間建亭 明一統志

按袁說友同鄂州都統制司登壓雲亭賦詩王十

朋有贈趙都護之作則此亭宋已有之明一統志

謂至正間建亭非也

鄂州營昔皆茅舍今始易以瓦登壓雲亭則前後盡見

周絡井井甚有條理將司中又有雅歌整暇二堂皆

面江山登覽超勝 吳船錄

廣永在西漕衙黃鵠山之絕頂西近楚觀下視江漢故
取其義云

輿地紀勝

按輿地紀勝未載廣永之爲亭爲臺後讀陳本立
黃鶴樓名勝記始知其爲廣永亭也

萬壽亭在黃鵠山白雲樓後亭制六方內石碑二恭勒
蠲免錢糧 諭旨暨優卹老人

江夏縣志

十間亭在仙棗西後爲萬壽亭

江夏舊志

御碑亭在黃鵠山專祠之前同治八年建有豐碑矗立

其間官相國記詳見藝文

退補齋雜錄

黃鵠山志

卷二

名勝

四

退補齋
藏板

十盤亭在黃鶴樓下刻石云東有亭西有菴路十盤而

上故以十盤名今廢爲望江亭

江夏舊志

翼然亭在冠霞亭西中丞張連登建

同上

冠霞亭在高觀山第一峯中丞劉殿衡建

同上

夏亭在頭陀寺唐鄂州守何所建符載爲之序

同上

北榭在設廳後因山爲之與南樓對

輿地紀勝

北榭子城之巔

湖北通志

北榭嘉定十七年李稟重修有北榭記石刻今在黃鶴

樓後斗姥閣西壁

湖北金石存佚考

鄂州諸樓榭皆在黃鶴山而以方向別之其在頭陀寺者或曰東樓見唐李華詩序在南者曰南樓范石湖所云下臨南市陸放翁所云下瞰南湖是也在西者曰黃鶴樓李太白詩黃鶴西樓月是也在北者曰北榭與南樓並稱而李公記外賦咏無傳焉今以黃鶴山爲綱而依次第列其源委興廢覽者當自得之

北舊聞錄

楚王故宮在高觀山下前臨大街左閱馬厰右長街宮廣二里表倍之明末兵燹殿寢池館俱爲灰燼

江夏

黃鵠山志

卷一

名勝

五

退補齋藏板

舊志

武當宮在黃鵠山麓置道紀司於內

湖廣通志

湧月堂在南樓黃鶴樓之間

輿地紀勝

奇章堂在布政司前卽古楚觀舊址初名戲綵堂

明一

統志

皮日休讀書堂在頭陀寺皮日休讀書於此

輿地紀勝

皮日休讀書堂在縣東皮日休少時曾讀書武昌頭陀

寺今寺有讀書堂其遺址也

晁公武讀書志

東山書院在黃鵠山相傳東方朔讀書處今廢

縣志

李白讀書堂在頭陀寺見一統志

同上

按一統志惟載皮日休讀書堂在頭陀寺無李白讀書堂據輿地紀勝云李白讀書堂在江夏縣東三十里地名讀書林有祠堂在其側不審今縣志何以云在頭陀寺也

具美堂在黃鵠山頂官胡二公祠之東卽斗姥閣東偏

舊址同治八年建

退補齋雜錄

太白堂在黃鶴樓後邑令徐日久建今更爲亭

江夏舊

志

黃鵠山志

卷二

名勝

六

退補齋藏板

按同治八年重修黃鶴樓并建斯堂仍改爲太白堂

狀元居在黃鶴樓南以黎涪讀書其中故名今額猶存

江夏縣志

黃鶴洲有二一在黃鶴樓江中一在縣北三十里俗名

黃花洲 同上

摩崖方丈在黃鵠山北崖壁幽邃靜境可人

同上

鄂渚在江夏縣西黃鵠磯上三百步輿地記云雲夢之南是爲鄂渚其名於離騷見之又晏公類要云隋平

陳立鄂州以鄂渚爲名輿地紀勝

鄂渚在縣西黃鵠磯上楚辭云乘鄂渚而返顧說苑云

昔鄂君乘青翰之舟下鄂渚浮洞庭榜人擁楫而歌

鄂君翁繡袂行而擁之舉繡被而覆之湖北通志

費禕洞在黃鵠山後舊經費文偉昇仙處李宗孟有詩

明一統志

費禕洞在江夏縣東十里黃鵠山後舊經云費禕昇仙

之後洞也皇朝郡縣志

呂公洞在石鏡亭下黃鵠磯上初無洞穴但石跡隱然

黃鵠山志

卷一

名勝

七

退補齋藏板

如門叩之有聲世傳呂洞賓嘗題詩其上明一統志

陸游與章冠之游仙洞石壁數尺皆直裂無洞穴之狀

舊傳有仙人隱其中今鄂人謂之呂公洞入蜀記

仙人洞舊傳鄂州黃鶴樓下有石光澈名曰石照其右

巨石世傳以爲仙人洞也聞見近錄

宋時因山爲城故石鏡亭雖在城中而石鏡及呂公洞

實在山麓必出城而後至其地也至明始包入城內

而楊眉庵呂仙祠詩序亦與今制爲合則樓址之移

其元明之間歟湖北通志

石照洞在黃鶴樓下

江夏縣志

東陽洞在高觀山龍華寺後大石峻嶒當腹一洞鑄東

陽二字

同上

天鷲池在武當宮西

江夏縣志

白龍池在黃鶴樓左子城上明隆慶二年沿江居民苦

火從形家言鑄鐵為池於上城下晏然見楚會存書

後設茶肆晝夜不絕火時城外復多災白官罷之乃

不復災

同上

磨劍池在頭陀寺山頂相傳秦皇磨劍於此王得臣以

黃鵠山志

卷一

名勝

八

退補齋藏板

為秦宗權之弟宗衡破岳鄂所至皆稱為小秦王是

池蓋指宗衡也

輿地紀勝

磨劍池二一在仙棗亭側一在頭陀寺

江夏縣志

按仙棗亭頭陀寺均在黃鵠山一地而有二池恐

縣志所載不若輿地紀勝之得實也

江城別墅在黃鵠山麓同治初年邑人袁泰華建王子

壽彭于蕃有詩

退補齋雜錄

名勝四

武安王廟在頭陀寺以祀關公

輿地紀勝

府城隍廟舊在縣東洪武中徙黃鵠山南祀晉車騎將

軍焦明景泰三年重建韓陽有記康熙三十二年知

府尤汝重修廟右有齋戒所

江夏舊志

楊公祠在高觀山下祀總督贈太子少保楊宗仁

同上

江漢神祠在漢陽門樓上宋淳熙間通判劉靖以江漢

在境內宜為望祀即靈竹寺西為坎以祭之今廢

上

黃鵠山志

卷一

名勝

九

退補齋藏板

胡公祠在黃鶴樓後斗姥閣舊址祀巡撫胡文忠公

江夏志

案胡公諱林翼字詠芝益陽人官湖北巡撫贈太

子太保諡文忠咸豐間埽蕩沿江粵匪平定楚境

終於任所奉

旨勅建專祠

官胡二公祠同治十年奉

旨敕建

案官公諱文字秀峯諡文恭滿洲正白旗人由湖

廣總督入贊樞廷九年終於位士民德其有功於楚顛請建祠時總督李公瀚章巡撫郭公柏蔭奏請與胡公合祀爲官胡二公祠仍在黃鵠山上曾公祠在黃鵠山中峯下同治十二年奉

旨敕建

案曾公諱國藩字滌生湘鄉人官兩江總督武英殿大學士卒謚文正

羅李三公祠在黃鵠山中峯下同治十三年奉

旨敕建

黃鵠山志

卷一

名勝

十

退補齋
藏板

案羅公諱澤南字仲嶽號羅山湘鄉人由訓導官浙江甯紹台道加布政使銜未赴任轉戰湖南湖北江西等省咸豐六年三月攻勦武昌受傷殞命奉 詔加恩照巡撫陣亡例賜卹並著湖南本籍及湖北江西地方建立專祠謚忠節

案李公諱績賓號迪菴湘鄉人官浙江布政使加巡撫銜轉戰湖南湖北江西等省咸豐八年十二月攻剿皖北廬郡賊眾兵寡從容赴義奉 詔加恩追贈總督照總督陣亡例賜卹入祀昭忠祠並

准湖北江西安徽各省建立專祠諡忠武

案李公諱續宜號希庵湘鄉人由諸生官至湖北

安徽巡撫轉戰湘鄂江皖數省克復多城同治二

年十一月專辦皖北軍務旋因積勞溘逝奉 詔

加恩照總督軍營病故例賜卹並准湖南湖北江

西安徽各省建立專祠諡勇毅

頭陀寺在清遠門外黃鶴山上黃太史有詩 輿地紀勝

頭陀寺在江夏縣西北宋大明五年建在黃鶴山上自

南齊王少作寺碑遂為古今名刹 方輿勝覽

黃鶴山志 卷一 名勝 十一 退補齋

頭陀寺在州城之東隅石城山寺燬於兵火汴僧舜廣

住持三十年興葺略備自方丈西北躡支徑至絕頂

舊有奇章亭今已廢四顧江山靡有遺者殿後有南

齊王簡栖碑 人蜀記

頭陀寺在黃鵠磯即今觀音閣一名竹林寺南齊王少

有記明末燬 國朝順治初邑人陳應魁重修 湖廣

通志

白傳自江州赴忠州過江夏有與盧侍御於黃鶴樓宴

罷同望詩曰白花浪濺頭陀寺紅葉林籠鸚鵡洲句

則美矣然頭陀寺在郡城之東絕頂處西去大江最遠風濤雖惡何由及之或曰甚之之辭塵史

寶通寺本崇甯萬壽寺宋末建元元統二年重建黃文

獻潛有記云鄂之東城有佛刹曰大洪山崇甯萬壽

禪寺此黃鵠山也黃文獻集 詳見第五卷藝文

崇甯萬壽寺成化間改名寶通寺湖北舊聞錄

寶通寺康熙十五年重修後毀乾隆五十五年重建湖

北通志

寶通寺大司馬三韓張公朝珍方伯石城徐公惺修於

黃鵠山志卷二 名勝 十一 退補齋藏板

康熙丁巳戊午歲金碧洪麗為武昌諸刹第一白茅

堂在末

寶通寺在洪山下內有寶通塔唐寶厯中善信禪師開

山宋制置使孟珙都統張順重修明楚昭王益擴舊

制 國朝康熙十五年巡撫張朝珍左布政使司徐

惺同捐資倡修湖廣通志

黃龍寺在江夏縣東六十步誨機禪師居之輿地紀勝

觀音寺在黃鵠磯湖廣通志

東巖寺在洪山唐大觀中建又額曰正心書院鄂國公

尉遲讀書處後石刻有幾處稻梁喧鳥雀數聲鐘磬起魚樵句同上

小塔寺在洪山即晉安寺有無影塔塔下有井名浪花

井其脈通江同上

古無影塔在黃鵠磯石上同上

古無影塔在黃鵠磯石上高三尺每日返照略不見

影藏骨者不知誰何也江夏縣志

寶像塔在黃鶴樓前元威順王太子墓王名寬澈普化

墓用塔元制也塔高三丈石色潤白相傳下有千歲

黃鵠山志卷一名勝

燈天啓元年塔下牆裂寸許有烟騰出同上

寶通塔在洪山相傳為唐貞觀中尉遲鄂公監造江夏

縣志詳見金石

靈濟塔在大洪山元建湖北舊聞錄

按靈濟塔即寶通塔湖北金石存佚考云洪山寺

塔相傳唐鄂公建或謂寺建於宋末不應唐初先

有是塔也得塔記足以證明矣元黃文獻公寶通

寺碑記云大洪隨之名山自隨而鄂始作於元統

二年訖工於至正某年湖北舊聞錄以為元建或

十三退補齋藏板

卽本此歟 國朝咸豐間羅忠節李忠武駐軍山
上撤去其頂漸就傾圯同治癸酉邑紳募捐重修
甲戌夏告成遊覽之勝遂復舊觀

威順王太子墓一名勝像寶塔在黃鶴樓前天啓元年

塔下石牆裂寸許有烟騰出或云墓燈也

湖廣通志

陳友諒墓在城內臬司後黃鵠山或曰疑塚也

江夏縣

志 詳見誌異

黃鵠山志

卷二

名勝

十四

退補齋藏板

黃鵠山志卷二 終

淑浦舒立濬校字

